

**MEMORIA XUSTIFICATIVA DO CONVENIO DE COLABORACIÓN ENTRE LA VICEPRESIDENCIA PRIMERA Y CONSELLERÍA DE PRESIDENCIA, JUSTICIA Y DEPORTES DE LA XUNTA DE GALICIA Y LA ASOCIACIÓN COMITÉ ESPAÑOL DE LA UNRWA (UNRWA ESPAÑA) PARA EL PROYECTO "GARANTIZAR EL DERECHO DE LAS MUJERES REFUGIADAS DE PALESTINA A VIVIR UNA VIDA LIBRE DE VIOLENCIA MACHISTA EN LOS CAMPAMENTOS DE LA FRANJA DE GAZA"**

(1) No mes de setembro de 2017 foron aprobados o Informe da Ponencia de Estudo para a elaboración de estratexias contra a violencia de xénero, así como o Informe da Subcomisión para un Pacto de Estado en materia de Violencia de Xénero. A partir deles articulouse o Pacto de Estado contra a Violencia de Xénero (PEVX) que consta de 10 eixes e un total de 292 medidas, competencia tanto da Administración Xeral do Estado como das Comunidades Autónomas e das entidades locais.

A Conferencia Sectorial de Igualdade celebrada o 22 de xullo de 2022 aprobou o acordo relativo ao establecemento dun marco de actuación conxunta que garanta a estabilidade e permanencia das políticas públicas e os servizos que derivan do Pacto de Estado contra Violencia de Xénero.

O 20 de marzo de 2023 o Boletín Oficial do Estado publicou a Resolución de 16 de marzo de 2023, da Secretaría de Estado de Igualdade e contra a Violencia de Xénero, pola que se publica o Acordo da Conferencia Sectorial de Igualdade, de 3 de marzo de 2023, polo que se aproba o Plan conxunto plurianual en materia de violencia contra as mulleres (2023-2027).

No Boletín Oficial do Estado do 20 de marzo de 2023 publicouse a Resolución pola que se publica o Acordo da Conferencia Sectorial de Igualdade pola que se fixan os criterios de distribución e a distribución resultante para o exercicio 2023 dos créditos orzamentarios destinados ao desenvolvemento polas comunidades autónomas e cidades de Ceuta e Melilla do Pacto de Estado contra a violencia de xénero, consignándose a partir dese momento os fondos correspondentes nos orzamentos da Secretaría Xeral da Igualdade; quen colabora con outros organismos autonómicos no cumprimento das medidas do Pacto de Estado.

En particular, coa Dirección Xeral de Relacións Exteriores e coa UE, colabora no desenvolvemento das dúas medidas do Pacto relacionadas coa competencia de cooperación internacional para o desenvolvemento, a medida 36 e a 37; medida 36 na que se enmarca o



proxecto "Garantir o dereito das mulleres refuxadas de Palestina a vivir unha vida libre de violencia machista nos campamentos da Franxa de Gaza".

A Vicepresidencia Primeira e Consellería de Presidencia, Xustiza e Deportes, a través da Dirección Xeral de Relacións Exteriores e coa UE e da súa Subdirección Xeral de Cooperación Exterior, é o órgano da Administración autonómica que ten atribuído o exercicio das competencias en materia de cooperación para o desenvolvemento. Unha das prioridades establecidas na Lei 10/2021, de 9 de marzo, reguladora da acción exterior e da cooperación para o desenvolvemento de Galicia, é o ámbito da acción humanitaria de emerxencia. O V Plan Director da Cooperación Galega 2023-2026 reconece un dos ámbitos estratéxicos da cooperación galega é a promoción do exercicio dos dereitos sociais básicos, como a saúde, a educación, alimentación, hábitat y auga y saneamento básico, polas persoas e colectivos máis pobres e vulnerables, na que se inclúe o apoio ás persoas refuxiadas.

(2) Antecedentes: A situación da poboación palestina é crítica dende fai varios anos, tanto para o caso dos habitantes do territorio palestino ocupado coma para a poboación refuxiada palestina nos diferentes países de acollida.

No ano 2010 asinouse coa UNRWA un Memorando de entendemento a través da Fundación Axencia Humanitaria de Galicia (FAHG), para levar a cabo proxectos de cooperación e axuda humanitaria para contribuír a mellorar as condicións de vida dos refuxiados palestinos. En concreto, desenvolveuse un plan operativo en apoio ao programa de seguridade alimentaria de nenos e nenas na franxa de Gaza que obtivo moi bos resultados. O importe deste plan operativo foi de 20.000 €.

No ano 2011, trala extinción da FAHG, retomouse o apoio a esta Axencia das Nacións Unidas dende a Dirección Xeral de Relacións Exteriores e coa UE, asinándose un convenio de colaboración para apoiar o programa de "compensación alimentaria escolar da UNRWA en Gaza" por importe de 25.000 €.

No ano 2012 apoiouse novamente o citado programa de compensación alimentaria escolar en Gaza, coa sinatura dun convenio por importe de 25.000 €.

No 2013, en substitución do programa de compensación alimentaria escolar, suspendido tras unha nova ofensiva militar Israelí, asinouse un convenio para o apoio ao Programa de Axuda Alimentaria na Franxa de Gaza, por importe de 10.000 €.





No 2014 asinouse un convenio para dar continuidade ao noso apoio ao programa de compensación alimentaria familiar para reducir o impacto do bloqueo sobre as familias refuxiadas máis necesitadas, por importe de 20.000 €. Ademais o empeoramento da situación en Gaza, despois da operación Protective edge, fixo que se asinara un segundo convenio para brindar apoio psicosocial ás vítimas, por importe de 19.975 €.

No 2015, 2016, 2017 e 2018 mantívose o apoio da Xunta de Galicia ao programa de seguridade alimentaria para as familias coa firma de convenios anuais, cun importe de 20.000 € cada un.

No 2019 asinouse un convenio de 130.000€ no marco do Pacto de Estado contra a violencia de xénero, para contribuír á redución e a prevención de casos na comunidade refuxiada de Palestina en Líbano. O pasado ano 2020 asináronse dous convenios, un para o proxecto de "garantizar el derecho a la salud de las personas refugiadas de palestina en la Franja de Gaza frente a la amenaza del Covid-19" por importe de 30.000,00 € e outro para a "protección y atención a las mujeres supervivientes víctimas de violencia machista en los campos de población refugiada de la Franja de Gaza durante la pandemia de Covid-19", no marco do Pacto de Estado contra a violencia de xénero por importe de 84.000,00 €, ao que se lle deu continuidade no 2021, 2022 e que se propón para este ano 2023.

(3) Finalidade: Establecer o marco de colaboración entre a Vicepresidencia Primeira e Consellería de Presidencia, Xustiza e Deportes e a entidade "UNRWA España" para a execución do proxecto "Garantir o dereito das mulleres refuxadas de Palestina a vivir unha vida libre de violencia machista nos campamentos da Franxa de Gaza" en cumprimento da medida 36 do pacto de estado contra a violencia de xénero.

(4) O convenio ten por obxecto mellorar a protección e a atención integral no tratamento de casos de violencia machista e sensibilizar á comunidade sobre a realidade das mulleres supervivintes refuxiadas de Palestina nos campos da Franxa de Gaza.

(5) A especificidade das actividades obxecto do proxecto son de claro interese público e, e as partes son conscientes de que é preciso unir esforzos e establecer estratexias que dean resposta ás necesidades e os dereitos da poboación refuxiada, con atención especial á loita contra a violencia de xénero.





(6) A Xunta de Galicia financiará o proxecto cunha achega total de 84.000 € (oitenta e catro mil euros), con cargo a aplicación orzamentaria 06.07.331A.490.0.

(7) Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Asinado electrónicamente en Santiago de Compostela

O director xeral de Relacións Exteriores e coa UE

Jesús Gamallo Aller

